



## **Jahresbericht zur 3. Generalversammlung vom 5. November 2018**

Clubjahr 2017/2018

Liebi Skiclubmitglieder, Skiclubvorstand

Ich begrüessä eu zur hüttigä Genealversammlung.

Es isch mer e freud, hüt a dem Mäntig zäme mit eu und minä Vorstandskollegä D'Skiclub z'friedä GV dörfä duräzfüerä .

Wänn mer das gschafft händ, chömmer nachher da im Clubrestaurant Friedä zäme uf äs glungenes Jahr astossä.

Ihr flottü Vereinsfründ mached öpis us äm Club und das isch jetzt bereits sit 3 Jahr ä grossi Freud.

### **Rückbetrachtung uf eusi Aläss im 2018**

Langsam aber sicher simmer win ä guet igstellti Skibindig ganz guet funktionstüchtig.

Eusi Aktivitätä sind igspielt und sind bekannt. Alli wüssed was passiert und was „zu Erwartä“ isch.

So simmer am 8. Februar mit äm legendäre Skitag vom Restaurant Friedä im Hoch Ybrig id Skisaison gstartet. Ganz en tollä Schneetag mit er ä perfektä Organisation vom Heinz.

I dä Laucherä Hüttä simmer im Näbel itaucht, aber dafür sind Pischtä und Schneeeverhältnis spektakulär guet gsi. Sältsamerwies sind aber au äs paar Ski trotzdem dä ganz Tag im Skiständer bliebä. Sachä gits , das wird nöd wieter begründet :)

Sicher sind D'Jassfründ dafür eimal ganz sicher nöd zchurz cho.

Dänn spöter am Abig im Restaurant Friedä zrug, bi dä Claudia und Ihrem flottä Team hät's äs usserordentlich feins Fondue gä. Eimal me eifach S10i. !

Am 22. März , sind mer zum 2. mal in äs Sportweekend ufbrochä.

Dasmal hät das dä Markus Schön organisiert und sim Vorschlag uf Zermatt zgah, händ einigi unerschrockeni Mitglieder natürli nöd chöne wiederstah. Nacherä lange Aafahrt sind mir mit Kaiserwätter und Schnee im Traumbereich verwöhnt wordä. So perfektü Pischtä han ich und einigi vo eus no gar nie gseh. Die feinä Spieslokal uf und näbed dä Pischtä händ defüt gsorgt, dass mer näbed äm Walliser Wy au immer guet gässä händ. Snachtläbä im Dorf ,

Elsies Bar, Europe Hotel Apré Ski und wie sie alli heissed hät eus dä Markus usgiebig zeiged. Dankä Markus und allnä Kollegä wo a dänä sehr schönä Täg innerä eimaligä Kulissä sportlich, kulinarisch und fröhlich Stundä zäme verbracht händ.

Au än Raclette Abig händ mär am 6. April im Rest. Friedä dörfä id Aläss iträge. Chäs vom Michel Appoloni, feinä Wy dezuä isch genau das wo eus offesichtlich gfallt. So isch das en ganz luschtigä Agig gsi, bi beschter Stimmig. Vielä Dank fürs Teilnä.

Fascht scho unheimlich, isch am 14. Juli wiederholt äs heissäs Summerfäscht im Schuelhuus Chäferholz bi eusem Kassier Res und sinerä Frau Sandra ustreit wordä. En ganz lässigä Nammitag bi bombä Sunnäschi super Ässä und mit em Erich als Lotto Papscht. Zudem Mitglieder wo bi Spiel und Trank alles gä händ. Vielä Dank am Res und Sandra. Megagiga Super gsi.

### **Dä gschäftlich Teil:**

Mir händ 2 Vorstandsigä gha, 1 Vorstandsässe, 1 Revisorä Abig und 1 Generalversammlig.

Ustritt sind keini zverzeichnä und will mir vollzellig sind, au kei Neutritt.

Dä Verein isch mit Mitglieder inkl. Vorstand gemäss Statutä mit 25 Personä wieterhin voll bsetzt.

Im Bereich Finanzä werdet Ihr nachher ghörä, das mir guet dastönd und mir isch sehr wichtig zu erwähnä, dass alli Mitglieder dä Mitgliederbitrag ohni Mahnigä rächtzietig izahlt händ. Das isch doch mal es riese Dankeschön a eu wert ! Bravo.

### **S'Jahr 2019 i dä Vorschau:**

Isch ja klar, würd dä Nöggi säge, es bleibt debi .

Au im nöchschtä Jahr möchtät mir am 9. Februar wieder am Skitag vom Restaurant Frieden mitmachä.

Au euses Summerfäscht im Juli isch i dä Planig und bereits fix im Kaländer.

Zudem hämmer im März vor, es verlängerets Skiweekend durezführe.

Ich dörf eu bereuts jetzt verratä, dass es in en aktuelle schwizer Weltcup Ort set ga.

Aber dazue säger mer no spöter öpis hüt Abig.

Alli Vorbereitige sind bereits agloffä und werdet nach dä GV uf dä Homepage

[www.zfriedae.ch](http://www.zfriedae.ch) uftauchä.

Dä eint oder ander Clubhöck, ä Raclette, ä Schneebar oder dies und das werdet folgä.

## **Ehrigä im 2018:**

Es hät gradi und spezielli Geburtstäg gä:

- Dä Ivan Hürlimann isch im Februar , 50i wordä. Applaus !
- Dä Aschi Brechbühler isch paar Tag spöter 70i wordä. Applaus !
- Im März hätt dä Heinz Kolb sin 55 igschtä gha.
- Im Mai dä Andres Roth dä 55er uf äm Harley Tacho.
- Im Juni dä Peter Wismer au sin 55er gfieret.

Eu tollä Mitglieter und minä hilfbereitä Vorstandskollegä dankä ich ganz herzlich für D'unterstützig, dä Grippe und Tatädrang für glungeni Aläss und für D'frünschaft.

Fürs neue Jahr wünschä ich eu au im Namä vom Vorstand viel Elan, Gsundheit und unfallfrei i Skitäg.

Dä Presidänt



Richi Eschmann